

Сан хьомениг

Сан хьомениг, юй те хьо безам бовзаза,
Я цуьнан кьахьо 1овшаза?

Хьо езаш, хьайга дийцарна,
Бехк х1унда буьллу ахь суна?
Сан хьомениг, юй те хьо безам бовзаза,
Я цуьна кьахьо 1овшаза? } 2р

Зезагаш лепаш бацалахь,
Олхазарш декаш хьаннашкахь.
Гирий хьуна, шен дашо з1аьнарш яржийна,
Малх хьаьжна дуьне кьагийна? } 2р

И дерриг 1алам хазлуш ду,
Заза доккхуш бошмаш сенлуш ю.
Сан хьомениг, хьо йолчахь со ца хилча,
Хетало дуьне кхоблина. } 2р

Ишта хьо сайна езарна,
Наггахь бен вовше ца гарна.
Сан хьомениг, ас мел йо ойла хьобца ю,
Сан даг чохь даима хьо цхьаь ю. } 2р

Нур долчу б1аьргаша хьо лобху,
Кийрарчу даго хьо йобху.
Сан хьомениг, йог1ур ю але дош лохья.
И дош лой, соьга йолахья. } 3р